




Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3398/A





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3398/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3398/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3398/A

3624/
M E T H O D V S

(2)
COGNOSCENDI, EXTIR-
PANDIQUE EXCRESCENTES

in vesicæ collo carunculas,

A V T H O R E

Andrea Lacuna Segobiensi,

M E D I C O

IVLII III. PONT. MAX.

Illustrissimiq; & Reuerendiss. D. D.

FRANCISCI A MENDOZZA

Card. Burgen.



Cum Priuilegio Summi Pont.



2
GLARISSIMO VIRO DOMINO

Marino Spinello, Archiatro Viceregis

Neapolitani, Andreas Lacuna

S. P. D.



VI apud se nonnulla secreta Naturæ, uel artis Medicæ, supprimunt, quibus uitam iuuare possent mortaliū, grauanturq; ea in publicam omnium commoditatem edere, ij, Vir Clarissime, communes, capitalesq; humani generis hostes censendi sunt, ut pote homicidæ teterrimi: non secus atq; illi, qui quum horrea magnis habeant frumenti aceruis referta, esurienti haud condolescunt plebeculæ, sed permittūt, ut in maxima caritate annonæ, conficiantur extrema fame et inopia. Nec scio sanè, utri nam horum sint crudeliores.

Quocirca pestilens id genus hominū Galenus iustis de causis suggillans, cōmentario de Theriace sic ad Pamphilianum edisserit.

A ij

EPISTOLA.

Κομιδῇ γὰρ ἀμούσου πινὸς εἶναι δοκεῖ μοι,
τὸ ἀχρεὺς πῖεσθαι π τῶν εἰσωθηείων δια-
φρόντων, ἅπαρ ἧς ἀπαντες οἱ κατὰ πλεῖ-
στη πόλιν ὄχονταί δικαίως, ἀπὲρ δὲ κα-
τ' ἰδίαν ὄρρεταύμενοι, καὶ κοινῇ κοσμούμε-
νοι, δὲ τῇ ἅπαρ τῆς προνοίας τῇ πόλει κα-
τασκευάζοντες καὶ σωφροσύνης ἔργων.

Quod si hac tempestate infelici, nulli, aut
perrari, sint Mecænates, qui sua liberalitate
et fauore, generosos conatus prouehāt (hodie
namq; pro dolor, lenones, moriones, para-
siti, mimi, & histriones, ornamenta sunt
atq; deliciæ Principum) nec iuuantibus sua
industria Remp. honos is habeatur, qui, uel
testimonio Galeni, olim hac in urbe illis ha-
beri erat solitus: non ob id tamen cessare ab
instituto Viri Optimi debent, uerum indies
pergere alacrius, ut cunctis liquido ostend-
ant, se non auaritia, aut gloriæ ductos cu-
piditate, sed studio pietatis accensos, ac pro-
pter solam uirtutem, quæ omnibus illam sec-
tantibus pollicetur præmia immortalia, na-
uare publicæ utilitati suam operam.

Quum igitur ab orbe condito in hæc usq;
tēpora innumeri penè mortaliū, ob suppressam
urinam ab innatis uesticæ collo caruncu-
lis, q̄ miserrimè animā exhalarint: idq; uni-
uersis medicis causam tanti mali ignorans
tibus, eamq; lapillo tribuentibus; ac proin-
de sæpe ipsos ægros perperam, & in cassum
secantibus: me non posse gratiorē oblationem
offerre Deo sum arbitratus, q̄ si in commu-
nem hominum usum, pro quorum nimirum
salute, sanguinem ille suum, longè precio-
sissimum fudit, methodum salutarem exter-
minandi hunc morbum traderem, quæ à Phiz-
lippo Lusitano, homine quidem Empirico,
sed primo illius inuentore (neq; enim quisq;
suo est honore fraudandus) fuit nobis haud
itā pridem communicata.

Nam quum superioribus annis permulti
Principes uiri, quos ille curandos suscep-
erat, unà cum eo me accerferent, ut ne quid
temerè gereretur in ipsa curatione cauerem;
institueremq; uniuersam uictus rationem:

EPISTOLA

certè necessum fuit, eam artem, quam ueluti
mysterium quoddam celabat cæteros, mihi
etiam communem fieri, necnon Ornatiss-
mo Viro. D. Ioanni Aquilerio, Medico Pon-
tificio, qui nobis persæpe astitit.

Inter alios porro, qui fuerūt illius ope ser-
uati, Illustrissimum Principem. D. D.
Ferdinandum à Cardona, Almirallum Nea-
politanum, ac præterea Dominum. D. Lo-
douicum Carauaiallum, Virum non minus
proprijs virtutibus, q̃; prosapia suorum ma-
iorum, clarum, qui post longos, acerbiss-
mosq̃; cruciatus, disquirendæ salutis ergo,
Romam se contulere, incredibili facilitate
restituit, apud Illustriss. ac Reuerendiss.
Dominum. D. Franciscū à Mendoza,
Cardinalem Burgensem, Patronum et Me-
cœnatem meum, multis nominibus obseruan-
dum: cuius ædes perpetuò patent, ac xeno-
dochij sunt uice cunctis, qui aut generis cla-
ritudine, aut aliqua uirtute insigniti, se se
in illas recipiunt.

A

NVNCVPATORIA. 4

Philippo in Palæstinam profecto, Didacus
Dias pharmacopola, etiā Lusitanus, successit:
qui quum illum olim hospitio excepiisset, ab eo
nihil eiusmodi suspicante, clandestina obser-
uatione artem utcunq; didicit: qua postea;
& multis alijs est auxiliatus, & sibi ipsi no-
men & opes auxit.

Quum autem ea occasione apud ipsum
Didacum diuersaretur Ginesius Fontanus,
Illustriss. atq; Excellentissimi. D.D. Petri
à Toletō Chirurgus absolutissimus, ut est la-
borioso ingenio, & tenaci, actutum concepit
artem, conceptamq; retinuit: quam deniq;
incredibili atq; admiranda dexteritate ex-
ercuit.

Ne itaq; inter tam paucos, doctrina tam
salutaris, tamq; necessaria omnibus, preme-
retur, placuit eam euulgare, sed illustratam
præfatione atq; splendore nominis tui, Vir
Amplissime, ut multo maiori applausu ex-
ciperetur ab uniuersis.

Nam quemadmodum qui purpuram; ho

A iiii

EPISTOLA

lofericum, byssum, ac tapeta pretij exquisi-
 titi $\chi \epsilon \upsilon \sigma \iota \mu \acute{\alpha} \gamma \upsilon \phi \alpha$ intus habet venalia, fron-
 tispicijs officinarum consuevere fimbrias quas-
 dam aureas appendere, ad illiciendos ani-
 mos $\tau \acute{\omega} \nu \epsilon \mu \pi \acute{o} \sigma \tau \omega \nu$, sic ut haec nostrae quales-
 cunq; lucrubationes eruditis multo acceptio-
 res essent, nulla ratione alia fieri posse autu-
 maui, quod si patrocínio tuo communiter emerge-
 rent, tibiq; uni dedicarentur, quem ob heroiz-
 cas istas, immortalesq; tui animi dotes, pru-
 dentiam dico, continentiam, constantiam, in-
 comparabilemq; non in arte Perona tantum,
 sed in omnibus disciplinis, sapientiam, mul-
 tiugamq; doctrinam, humanitati, fidei, ac
 summæ pietati coniunctam, cuncti hodie, &
 suspiciunt, & admirantur.

Suscipe itaq; læta fronte hosce quantulos
 cumq; labores nostros, sub tutela tua prodeun-
 tes, ingenuisq; disciplinis et artibus ne cesses
 patrocinari, per quas tantum honoris, &
 dignitatis es consequutus Vale. Romæ.

kal. Apr. M. D. LI.

5
METHODVS COGNO-

scendi, extirpandiq; excrecentes in uesti-
cæ collo carunculas, Andrea

Lacuna, Segobiensi,

Authore.



INTER plerosq; alios aff-
fectus corporis, quibus indies
torqueri solet uita mortalium,
unus gonorrhœa existit, quo
detenti, assiduo fluore seminis, cui nec uolup-
tas, nec tentigo, nec ulla prorsus uoluntas, con-
iuncta est, infestantur.

gonorrhœa

Solet autem affectio hæc multis excitari
de causis. Nam & acrimonia, & tenuitas
seminis, possunt in causa esse, ut contineri
intra uasa illud non possit, ac proinde per
petuò effluat.

Prodigiosa etiam illius abundantia, solet
sæpe gonorrhœã inducere. Quocirca eos ma-
iori ex parte hoc affectu exerceri constat,
qui quum probè curent cuticulam, indulge

M E T H O D V S

antq; Cereri, & Baccho, coelibatui se deuouerunt, cum Venerēq; nullum prorsus commercium habent. Nam quum ij benignorū recrementorum maximam colluuiem accumulēt, necessum haud dubiē est, vt semē ipsum redundans, aut excernatur, aut computrescens intus, grauiissima symptomata inducat.

Vnde nōnullos olim grauiissimos philosophos legimus, nō ob uoluptatem, sed ut consulerent ualetudini, indulisse libidini, perinde ac si nulla fuisset ei coniugata uoluptas.

Imbecillitas praeterea testiculorū, gignendo huic morbo plerunq; occasionem dedit. Qui quidem imbecilli redduntur ob intemperiem aliquam simplicem, uel compositam: ob tumores praeter naturā; obq; omnimodam continentiam. Ignauia siquidem (vt inquit Plato) exoluit; proprij autem officij exercitatio, robur auget particulis. Quare pulchrē, mea quidem sententia, Galenus refert, cunctos suae tempestatis Cantores, quū ne per somnium quidem usum uenereorū

EXTIRP. CARVN. 6

admitterent, habuisse pudenda exilia, rugo-
sa, maximeq; flaccenscentia, & collapsa:
id quod neutiq; nostris accidet, qui cauent
sedulo, ne in earum partium imbecillitatem
simili ex occasione incidant.

Solet tamen, et ob inexhaustam libidinē,
accessumq; ad putida scorta, præcipuē dum
menstrua descendunt, continuus ille seminis flu-
or inualescere: id quod persæpe experiuntur
ij, qui luxu, & uenereis illecebris totam ui-
tam contaminant. Quippe nimia illa frictio,
attritioq; penis, quæ assiduo ex hymenæo ac-
cidit, concitat illuc, non testiculorum modò,
sed totius etiam corporis succos, ultro alioz
qui fluentes, ut pote iam ex immodica uenere
calidiores atq; tenuiores, effectos. Sæpenu-
ro etiam, ubi quis uel refractariam uirginem,
uel aliquam matronam inexorabilem, tentat
per uim polluere, nec potest eam expugnare,
solet solui in gonorrhœam.

Longa item sub ardenti cœlo equitatio,
ita laxare solet arterias illas et uenas, quæ iu-

METHODVS

cta renes consistunt, ut per eas succi, ueluti
colliquati & fusi, ad testiculos facile delaban-
tur.

Vnde ueri simile est, per eiusmodi affec-
tum non semper purum atq; inculpatum se-
men excerni: sed maiori ex parte uitiosum,
acre, ac prorsus tale, ut *τὴν κακοχρίαν*
potius, q̄ genituræ, nomen mereatur.

Nam qui obsecro fieri potest, ut gonor-
rhœa diuturna urgente, quā uidimus aliquan-
do tres & quatuor annos cruciare, si per eam
exhauriri benignum semen dicamus, nō modò
non contabescat humanum corpus, quod ex
uno, alteròue concubitu uoluntario, solet sæ-
pe elanguescere, atq; labefactari; sed inter-
dum etiam, q̄ antea, multo robustius ac ues-
getius euadat?

Quemadmodum igitur in mulieribus;
menstruam illam colluuiem singulis mensi-
bus constat exterminari, sic etiam et in uiris
rationi est consonum, aliquando redundan-
tia excrementa sanguinis, quæ nec per uri-

EXTIRP. CARVN. 7

nam, nec discuti per sudores, aut insensibilem transpirationem potuerunt, ad ipsos testes per seminaria uasa confluere, ac dein ad collum uesicæ, ut inde per meatum lotij excernantur.

Qua ex re non est q̄ quispiam miretur, præsertim quum in Lotharingia et Germania nonnulli sint uisi à nobis, qui purgationes muliebres ordinata uicissitudine paterentur, ac lac in mamillis gignerent, uiri certè in otio et mollitie alti, totaq; uictus et exercitii ratione prorsus effœminati.

Si igitur semen quod per gonorrhœam effunditur, purum sit, atq; omni ex parte inculpabile (tale enim debet esse pellucidum, lene, omnisq; alienæ qualitatis, atq; grauis odoris expers) nihil negotii faceffet urinario meatui, nisi hærens in eo computrescat: indicat tamen uel plenitudinem, uel imbecillitatem retentricis potentie, quatenus dictum est: uel conuulsionem etiam spermaticorum uasorum: quo nomine solent epiles

M E T H O D V S

ptici omneis semen, dum conuelluntur, ex-
primere.

Si uerò non sit eiusmodi, sed infectum,
contaminatumq; miscella uitiosorum succorū
(cognosces enim id esse tale, quum ex odore
graui et uiroso, tum uel maximè ex consisten-
tia & colore, quibus pus non probè conco-
ctum refert) totum per quem transfluit mea-
tum, ac præcipuè ipsum collum uesicæ, in
quod pori seminarij implantantur, primò
quidem excalfacit: postea uerò, acrimonia
sua erodit, exedit, pungit, ac mordacissimè
exulcerat.

Sed neq; inficiamur interim, et ab acrimo-
nia urinæ, & à calculis angulosis, qui unà
cū illa excernuntur, posse urinarium meatum
aliquando etiam exulcerari: quæ sic tamen
absq; gonorrhœa intra colē gigniuntur ulce-
ra, & distinguntur facîle, & citissimè per-
sanantur.

Vlcus autem in uesicæ collo consistens, ab eo
quod uesicam exercet, hoc indicio distingues,

EXTIRP. CARVN.

7

¶ ubi collum exulceratum est, pus ueluti in unum compactum, ipsam urinam præcedat, dolorq; inter meiendū longè acerbissimus circa partem exulceratam sentiatur, contra q; in uestica ulcere obsessa contingit: nam neq; ita sæuus sentitur dolor: nec pus mingitur ab urina secretum, sed cū illa prorsus commistum. Taceo ueluti squāmulas quasdā unā cū urina excerni, ubi uestica ulcere affligitur: urinamq; ipsam reddi quā maximè foetidam. Iam uerò, dum urinæ meatus exulceratus est, colis intentus dolet, curuaturq; ad inferna, neq; nisi inter fœmora, indolenter teneri potest.

Porro ulcus in uesticæ collo, aut in penis cavitare, contractum, nisi cito, ac scitè curetur, in carunculas præter naturam attollitur, à quibus meatus urinæ obstruitur. Nam quemadmodum ex purissimo sanguine caro inculcata gignitur, sic ex succis uitiosis; alluentibus, & irrigantibus ulcera, solet spongiosa quædam caro succrescere: quam

M E T H O D V S

in externis quidem corporis partibus, facile : in abditis autem, atque intus delitescens
tibus, ægerrimè exterminamus. Quocirca
danda nobis opera est, ut, si fieri id possit,
prohibeamus eius generationem, ulcus ipsum,
prius quàm intumescat, sanantes.

Sanabimus ulcus in urinæ meatu excitatum, si exiccarimus ipsum, cicatriceque obduserimus. Atqui neutiq; licebit hoc nobis, nisi coercuerimus prius humores confluentes ad partes exulceratas : id quod fieri debet per contraria, à quibus fuerunt in eas concitati.

Siquidem si illius defluxionis causa plenitudo aliqua extiterit, uacuanda est, pro natura redundantis humoris : ægerque tenui victus ratione alendus. Si succorum acrimonia, & tenuitas, incrassandi sunt, reducendique ad symmetriam : ut corroboranda uasa spermatica, si eorum suspicemur aliquam imbecillitatem. Similiter si uenus nimis coercita sit, est laxanda : coercenda uerò, si solus

EX TIRP. CARVN.

tior q̄; rationi conueniat. Si labor simul et æstus, conciliarunt gonorrhœam, corpus refrigerandum est, minimeq̄; exercendum.

Fingamus ergo uirum quempiam quadragenarium, sanguineo, biliosoq̄; temperamento præditum; uenosum insuper, hirsutum, uenezriq̄; & improbis exercitijs deditum, correptum esse gonorrhœa, indeq̄; iam contraxisse ulcus in collo uesicæ. Atq̄; hunc ipsum, & calculosum, & si placet, urinæ ardore infestatum, ineunte Vere, nobis proponamus curandum: idq̄; in regione calida, & humida, maximeq̄; obnoxia fluxionibus, qualem esse hanc urbem Romam, liquidò constat.

In primis aluus est subducenda, iniecto molli clystere, quod sequitur. Re. Foliorum maluarum, uiolarum, parietariæ, & lactucæ, anà M. i. Hordei mund. prunorum Damasценorum, anà p. i. coquantur secundum artis præcepta, in sufficienti aquæ portione. Postea decocto excolato, adijcito pulpæ cassiæ, unc. i. rhodomelitos, olei uiolacei, anà unc. ij. fiatq̄;

B

METHODVS

clysmus.

Aluo subducta, interna dextri cubiti uena, quam basilicam uocant, tundatur, extrahantur q; senæ uncia sanguinis.

His, ut decet, administratis, curriculo dierum sex, propinetur illi sequens syropus, ubi primum aurora illuxerit, neq; edat, nisi exactis à potione quinq; horis. Re. Syr. uiolacei & endiuicæ, an. unc. i. Aquæ hordei, unc. iiij. pul. trium sandalorum. scrup. S.

Septima die, nisi nouilunium, pleniluniū ue id prohibeat, hauriet diluculo huiuscemodi pharmacum. R. Prun. Damascen. glycyrrhizæ rasæ, tamarind. hordei mun. an. drach. iiij. quatuor sem. fr. mai. mund. an. drach. ii. S. trium florum cord. an. p. i. coquantur simul, atq; decocto ipso diluantur, pulpæ cassiæ recens extractæ à fistula, et diacatholicon, an. drach. v. Syr. solutiui ex nona infusione rosarum Alexandrinarum, unc. iiij. pul. electuarij trium sand. scrup. i. fiat potio. Cui, si æger Vir Princeps, aut diues sit, cassiæ loco,

EXTIRP. CARVN. 10

indantur mellis aerei, quam mannam uocant, unc.ij. Atq; hæ quidem uacuationes poterunt repeti à nobis, quoties eas ex usu fore arbitrabimur.

Vacuatione absoluta, sumat aliquot dies mane unciam unam rosarum saccharo conditarum: bibatq; insuper cyathum unum aquæ, in qua hordeum discoctum fuerit.

Abluantur præterea crura decocto rosarum rubearum, hordei, uiolarum, calycum'q; papaueris. Ablutis plantæ pedum radantur, ac rescindantur ungues.

Renes, ac tota spina, testiculiq; & pudendi radix, refrigerentur sequenti smegmate, quod debet administrari actu frigidum. Re. unguenti rosacei, & refrigerantis Galeni, singulorum unc.i. olei uiolacei, unc. S. pul. rosarum rub, sand. citrini, spodij, anà drach.i. caphuræ grana v. misceantur accuratissimè, instillatis guttis aceti rosacei.

Si ne sic quidem coerceatur gonorrhœa, plumbeam quandam bracteam, mediocris

B ij.

M E T H O D V S

spissitudinis, ægri admouebimus lumbis, qua
meatus relaxati opprimantur, atq; ita, fluitan
tes succos minus possint transmittere: uel ap
plicabimus huiusmodi emplastrum, ut hæ
reat perpetuò renibus, donec sponte ab eis de
cidat. Re. Boli Armenici, terræ sigillatæ, san
guinis drac. coralli rub. rosarum rub. electri,
spodij, sandali citrini, anà drach. ij. acatiæ, thu
ris, mastiches, anà. unc. S. picis naualis, &
colophonæ, anà unc. i. S. terebinthinæ, ceræ,
anà. unc. i. Rob myrtini, unc. ij. conficito.

Precium etiam operæ fuerit, ut bibant ali
quot dies cyathum unum seri lactis caprilli,
cui permixta sit uncia syropi uiolacei.

Quod pertinet ad remedia topica, ipsi con
gruentia ulceri, in primis illud aqua hordei,
quæ modicum rosacei mellis receperit, per siz
phonem, abluendum ac detergendum est: po
stea uerò, ad cicatricem ducendum, sequenti
collyrio iniecto. Re. Aquæ rosaceæ, & plan
taginis, anà unc. iiij. sacchari lapidescentis,
uulgo canditi appellati, unc. i. cerussæ, argenti

EX TIRP. CARVN II

Spumæ, quam lithargyrum nominant, alumini
nis rochæ, anà. drach. i. S. caphuræ, scrup. S.
fiat collyrium. Cui quidem, si id exiccantius
desyderes, poteris adycere drachmas. ij. un-
guenti Aegyptiaci.

Porro tota uictus ratio eò spectare debet,
ut mediocriter alat, refrigerandoq; simul, et
humectando, humorum acrimoniam retun-
dat. Quare lupum (quod circumfertur) tene-
mus auribus: quum ulcus quidem, exiccans
tem uictus rationem postulet: illius autem cau-
sa, contrariam. Vtriq; tamen rite satisfeceris
mus, ulceri quidem ipsi, occurrentes per exic-
cantia topica: causæ uerò illius, esculentis, et
potulentis, quæ uapida, & halituosâ humidi-
tate corpus ipsum reficiant.

Alatur itaq; gallinarum atq; caponum iu-
sculis, quæ lactucam, intibum, aut cichorion;
in coctura ipsa receperint: esitetq; nonnihil
ex ipsis carnibus.

Inchoabit autem prandium, & coenam
semper à Damascenis prunis, coctis in aqua,

M E T H O D V S

& saccharo, donec intabescant : dein uero, ad sorbitiones, ac postmodum ad solidiora, se accinget.

Licebit illi uti etiam phasianis, pauonibus, hœdinis, ac uitulinis carnibus, adeoq; ouis sorbilibus. Ex piscibus tantum soleam, & mullum, cum eisq; si uidetur, auratam, proposito nobis ægro permitto : q̄ cæteri ferè omnes aut cacochymi sint, aut superflua quadam humiditate redundant.

In mensis ultimis utatur carnibus cydoniorum conditis saccharo : uel præparato similiter semine coriani. Quorum si copia non datur, edat poma odorata, & dulcia, sub cineribus cocta.

Potus sit nō uinum, sed hordei, ac glycyrrhizæ decoctum : uel (si hoc non satis palato arrideat) hydrorofaceum, quod ex aqua, et saccharo, modicoq; succi rosarum, constat.

Cauendum omnino est à diureticis ualidis, quòd humores ad particulas exulceratas pelliciant : utendumq; in uniuersum ijs, quæ

minuant dolorem, exasperata leniant, impetumq; turgentium humorum sistant. Quare acria, salsa, et piperata omnia, prorsus circuncidenda sunt, cum eisq; asparagi, & capres.

Quatuor horis post absolutam cœnam, scilicet dum it cubitum, sorbeat singulis noctibus cremorem amygdalarum dulcium, sic præparatum. Re. Amygdalarum dulcium à pellis exutarum, unc. i. quatuor sem. fr. mai. recentium, et mund. an. drach. y. sem. pap. albi, drach. i. tundantur simul, macerenturq; glycyrrhizæ decocto: Postea uerò, cremori expresso, calfacto q; mediocriter, sacchari candidissimi unciam unam, ad saporis gratiam, adijcito, ipsumq; sic propinato. Siquidem etiam si eiusmodi semina nonnihil diuretica sint, exercent tamen suum munus leniendo, uireisq; maximè anodynas sortiuntur.

Cremore absorpto, ineatur somnus, sitq; in dextrum latus, uel in sinistrum, decubitus: quandoquidem ei qui supinus dormit, incalez

M E T H O D V S

scunt renes, & lumbi, consortij q; lege incendium atq; feruorem suum, genitalibus membris, per communes uenas, communicant: unde consentaneum est, adaugeri fluxiones.

Quum autem propositum ægrotantem, inter alia, & calculosum esse uoluerim, obiecerit iam aliquis calumniator, calculosis minime expedire refrigerantia, ut quæ multo magis calculos ipsos compingant: sed calida, tenuissimarum q; partium diuretica, & quæ acrimonia sua possint eos comminuere.

Quàm uerò sit caduca, & inanis obiectio hæc, illi facile intelligent, qui accuratè norunt, calculos quidem maiori ex parte coalescere in renibus, ob illorum ardentissimam caliditatem: à qua sic perassantur, et aduruntur succi, ut solent lateres, ab insigni ipsius furni calore: dissolui autem à frigido, & humido, quæ à calido, & sicco indurata fuerunt.

Quare ab ijs medicis non minus cauendū est, q; à morbo ipso, qui infestatis calculorum, calidissima propinant medicamenta: qui

bus, præter q̄; q̄ nihil præsidij adferunt, calculi occasionem adaugent, inflammant uiscera, ac renes deniq; & uesicam, exulcerant,

Diximus itaq; omnia, quæ uidebantur esse opportuna cognoscendis, persanandis q; ulceribus in collo uesicæ, atq; adeò in penis meatu, obortis.

Si uerò ulcuscula id genus, q̄ neglecta, maleue tractata fuerint, in tumorem præternaturam excrescant, eadem uictus, & medicinæ ratio usurpanda est, quam hætenus ad curanda illa tradidimus: collutionibus, & collyrijs exceptis, quæ non expediunt, donec extans caro, excessa prorsus esse uideatur.

Cognoscitur autem caro in collo uesicæ, uel in alia quauis meatus urinarij parte, extuberans, ex insigni urinæ difficultate, quæ quum promptè fluat usq; ad affectam particulam, adeò illic supprimitur, ut non nisi guttatim, & cum maximis conatibus, progrediat. Quocirca sic infestati, dum lotium conantur reddere, coguntur simul aluum etiam la-

METHODVS

xare.

Celebrantibus quoq; hymenæum, in medio cursu illis genitale semen coercetur, coercitumq; adeò languidè, frigidè, ac citra uoluptatem, destillat, ut uerè dicere infelices possint, dum incumbunt generationi, ludere se prorsus oleum, & operam. Fieri siquidem nequit ut gignant, qui eiusmodi carunculis infestantur.

Imò uerò ubi æger minxit, ex ipso etiam lotio nonnihil in collo uesticæ citra carunculam restitat: quod quidem excerni haud potest, nisi pudendi radix manu fortiter comprimatur.

Sed neq; rectà ipsum lotium excernitur, ubi meatus occupatus à caruncula est: uerum in unam, aut alteram partem, refringitur, atq; interdum etiam diuaricatur. Nam si excrescens caro inferiorem canalis partem obsideat, egressa urina, confestim sursum uersus torquetur: si superiore, deorsum tendit: sinistrorsum, si regionem dextram afflixerit: ut dex

trorsum, si sinistram obsederit. Diuaricabitur porro, si meatum urinarium secundum latitudinem in duas cavitates increpescens caro diuiserit.

Contingit etiam plerumque, adeo esse obstructum, & obturatum iter urinae ab innata carne, ut uia solita excerni urina ipsa non potens, per alias partes erumpat, admirandosque effluxus, natura opitulante, moliatur. Noui siquidem plureis, qui per eam regionem, quae sita inter testiculos est, lotium emitterent. Sunt qui illud per sedem: sunt qui & per inguina excernant.

Præter dicta est aliud, neque id uulgare, argumentum, enatae alicuius carunculae, quæ si specillum, aut cathetera (sic enim uocant fistulam, qua educi urina consuevit) per urinarii meatum inferas, penetrare ad uesicam usque non possis, sed statim in offendiculum, hoc est, in tumorem ipsum, impingas: ultra quem progredi absque saltu non poteris.

Iam uero, quum ob maximam ipsius meatus

M E T H O D V S

tus angustiam ex lotio nihil exprimi possit, aut tantum quod in eo est tenuissimum: ratio: ni consentaneum uidetur, uesicam oppleri magna copia tenacium, & uiscidarum superfluitatum: quæ postea cum urina usq; ad isthmum delatæ, inibi q; hærentes, obstructionem longè maiorem faciunt.

Lapis autem in uesica delitescens, à caruncula innata collo discernes, quum ex tactu ipso, q; possimus illum per immisum cathetere contingere, tum uel maximè ex prurigine iuxta penis radicem orta, necnon longè diuerso modo suppressionis urinæ. Iis siquidem qui lapillo torquentur, quum liberè, copiose q; aliquando profluat urina, repente in medio fluxu supprimitur, nimirum lapillo ipso, ex uesicæ fundo in collum illius incidente, eum q; fortiter obturante.

Quocirca, si collocetur supinus æger, ita ut crura sint sublimiora corpore, concutiat q; multifariam, lapis à collo recedet, facile q; urina reddetur: id quod minimè carun

EXTIRP. CARVN. 15

culis infestantibus accidet.

Duplex autem curandarum excrescentium in urinario meatu caruncularum methodus reperitur: una quidem, uiolenta, maxime q; obnoxia periculo: cuius Galenus meminit libro primo de locis passis: ut puta si ænea fistula immissa, illas eradicemus, ita ut cum urina ipsa, & cruor, et carnis fragmenta excernantur: altera uerò mitis, & facilis, discriminis q; in se nihil continens, ut pote non ferri ui, sed facultate medicamentorum progrediens: quam ignorarunt ueteres, & de qua impræsentiarum sumus acturi.

Si igitur propositus à nobis had ita prius æger, carunculas id genus contraxerit, præmissis dictis euacuationibus, obseruata q; uniuersa uictus ratione, quam ulceri sanando instituimus, in primis tenero maluæ aut apij cauliculo (nam ordiendum semper est à leuioribus) inuncto prius oleo, quod amygdalæ dulces fuderunt, molliter atq; sensim uesticæ collum tentabimus: cauentes interim, ne pars

M E T H O D V S.

tibus sensu exquisitissimo præditis, magnam uim inferamus. unde, & rigores, & febres, & insignes fluores sanguinis, grauissima q; alia symptomata, subsequi consueuerunt.

Quod si fortè cauliculus ipse ad cauitatem uesicæ absq; magna ui penetrauerit, carunculam non usq; adeò excreuisse, argumentum erit: ob idq; de curatione ipsius maximâ spem concipiemus. Si uerò impingens flectatur, frangantur ue, extrahendus est, emolliendaq; & relaxanda ipsa intumescens caro, ut specillis multo facilius cedat, tractabilior emq; se exhibeat. Emollietur autem, relaxabiturq; fomentis, collyrijs, & emplastris eam ad rem destinatis.

Administretur itaq; & mane & uespere, ante prandium, & cœnam, hoc fomentum quod subditur. Re. Foliorum maluarum. M. i. Rad. althææ, apij, & fœniculi, an. unc. iij. Sem. lini, cydoniorum, & fœnigræci, an. un. i. Florum chamæmeli, stœcados, meliloti, pullegij, origani, anà, p. ij. caricarum pinguium,

EXTIRP. CARVN. 16

unc.i. S. Coquantur omnia simul ad radicū
usq; dissolutionem: postea uerò æger ita illis
insideat, ut uaporem uniuersum ab eis subla
tū, facile pudibundis excipiat, ac præcipuè ip
sa colis radice. Licebit etiam, & eisdem flori
bus, radicibusq; discoctis, eas partes leniter
perfricare, admouereq; ipsis spongiam deco
cto prædicto imbutam, ac dein compressam:
quæ dum fiunt, iubeatur æger urinam red
dere.

Fomento adhibito, ille mador linteo aliquo
molli abstergendus est, perfundendæq; par
tes omnes, quæ lotium ipsum dispensant, hui
uscemodi unguento. Re. Vnguenti dialtheæ,
Agrippæ, æsypi, butyri bubalini, an. unc.i.
Olei amygd. dul. lily albi, & chamæmelini,
an. unc.ij. Ammoniacy, unc.i. S. succi apij, &
chamæactes, an. unc.ij. Mucilaginis altheæ,
& fœnigræci, an. unc.ij. Feruescant simul
usq; ad consumptionem succorum: postea pin
guitudo excolata, in unguentum cogatur, in
iecto uidelicet recentis ceræ momento. Per

M E T H O D V S.

runctæ partes, amiciendæ sunt lana succida,
hoc est, nondum purgata ab æsypo.

Intra canalem uerò, iniiciatur siphone
iugiter collyrium huiusmodi. Re. radicum al-
theæ, sem. lini, & fœnigr. an. drach. y: coquan-
tur in tribus cyathis aquæ fluuiialis, donec ter-
tia pars absumatur. Mucilagini postea tenui
excolatæ, indantur olei amygd. dul. unc. iij.

His omnibus rite obitis, experire rursus,
an possis prædictarum herbarum hastulas,
per carunculas ad uesicæ usq; uastitatem in-
serere. Quod quidem si ad uotum succedat,
breui tumorem illum discussum iri sperabis.

Vt autem à glande ipsa pertingere ad ua-
cuitatē uesicæ possit inserendus cauliculus, de-
bet esse longitudine palmi unius, ac præterea
digitorum duum, sed transuersorum, ipsius ui-
delicet ægrotantis. At palmum impræsentia-
rum intelligo intercapedinem quæ à pollice, et
minimo digito, maximè à se diductis, compre-
henditur.

Si uerò ne sic quidem cedat innata caro,
sed

sed renitatur, reluctetur q; cauliculis, inserenda leniter cerea candela est, ea uidelicet crassitudine, quam urinarius meatus facile excipere possit.

Cæterum quia uerendum est, ne si candela intra penem frangatur (id quod maximè hyeme, ob ceræ duritiē, accidit) portio aliqua ipsius ad inania uesicæ insiliat, unde postea uix eijci possit: exasperenturq; à fractura partes exulceratæ: ob id utiq; debet illa ex forti quodam filo, ac cera, cui nonnihil resinæ terebinthinæ inditum sit, conflari.

Sic itaq; præparatam, ubi absciderimus quod solet ardere filum, atq; ipsius retuderimus cuspidem, perungemus illam oleo dulciū amygdalarum, modicèq; inflexam iuxta tenuiorem partem, inseremus pluries in urinæ meatum. Quæ quidem si ultra tumentem carnem proruperit (quod ex saltu, et portione ingressa cognosces) plus q; dimidium totius curationis te consequutum esse, ne dubites.

Quippe candela ipsa compressa, succinctaq; à

C

M E T H O D V S

caruncula, ueluti à neruo quodam arctissimo, ueram sedem illius indicabit: postea q; in ea ipsa parte, quæ cincta, & signata fuerit, emplastrum superfluae carni exedendæ aptū recipiens, accurati emmoti, ac linicini, uicem præstabit.

Quod si non una tantum, sed plures præter naturam carunculæ, diuersas partes meatus urinarij infestent, totidē in partibus candelam succinctam esse comperies, quot ipsæ carunculæ extiterint: impulsâq; totidem etiâ saltus absoluet.

Verum enim uerò, si eiusmodi cerea candelâ superare carnem contumacē haud possis, eiusdem longitudinis crassitudinisq; uirgulâ plumbeam conficito, eamq; tinctam oleo prædicto inserito. Plumbum siquidem, præter q; qd anodynum est, ulceraq; exiccandi uim possidet, etiam quasuis excrescentes carnes suo pondere suppressit, constringitq; , ut sis dant,

Potest tamen adeò rebellis, ac refractaria

esse succrescens caro, ut plumbeam etiam hastulam respuat: quocirca tunc argenteo aureo ue cathetere est utendum. Prius tamen q̄ hunc admoliamur, s̄a pius rem experiemur, per ea quæ hætenus fuere à nobis exposita. Siquidem catheteris usus, quum non perinde obsequatur, in illas partes longè tenerrimas incidens, solet excitare graues hæmorrhagias, & quæ medicis iuxta, & ægrotis, maximum terrorem incutiunt.

Cæterum si qua insignis sanguinis effusio exoriat, sistetur facillè, per siphonem aqua plantaginis, & rosacea, quibus albumen oui permixtum sit, in meatum ipsum iniecta: admoto q̄ extrinsecus peni, ac pudibundis omnibus, huiuscemodi cataplasmate. Re. Aquæ uel succi plantaginis, aquæ rosacæ, anà unc. iiij. aceti rosacei, unc. ij. albumina ouorum numero. ij. pul. boli Arm. sang. drac. coralli, rosarum, myrtillorum, cort. mali Punici, terræ sphragitidos, anà drac. ij. Conficito cataplasma, ipsum q̄, ut dixi, admoueto.

C. ij

M E T H O D V S

Quia uerò corporum curandorum uarie-
tas maxima est, expedit habere catheteras
complures, omni ætati, & sexui, accommo-
datos: quandoquidem fœminæ interdum hisce
affectibus corripuntur. Ad mares itaq; tres:
ad fœminas duo sunt satis. Atq; ex uirilibus
quidem maximus solet esse quindecim digito-
rum: medius duodecim: minimus nouem. Ex
muliebribus maior nouem: minor sex. Incur-
uos autem eos esse paulum, sed magis uiriles,
oportet, q̃ uiris magis intorqueatur collum ue-
sicæ.

Aeger igitur, dum tentatur, super subse-
lium supinus est collocandus. Chirurgus au-
tem, a dextro illi latere assistens, sinistra qui-
dem manu, colem eius contineat: dextra uerò,
immitat fistulam in iter ipsum urinæ: atq;
ubi ad collum uesicæ peruenerit, simul cū cole
fistulam inclinatam, sensim in uesicam com-
pellat.

Solent autem chirurgi spongiam æneo alliga-
tam filo usq; ad finem catheteris inferere:

quam retractam, confestim urina sequitur, uae
cui uitandi gratia.

Superatis ita carunculis, penetratoq; usq;
ad uesicam toto urinario meatu, instrumentū
quo peractum id opus fuerit, siue sit candela,
siue ferula plumbea, siue deniq; catheter, per
totam diem intus est relinquendū, cogendusq;
aeger sic lotium reddere, nisi nimium sit impa-
tiens laboris. Sic namq; fiet, ut tum ab urina,
tum ab organo inserto, aqueductus ille q; ma-
ximè dilatetur.

Educto post longam inibi moram cathes-
tere, uel plumbea ferula (si eis absoluta ope-
ratio fuerit) inferenda ultimò cerea candela
est, ibidemq; sinenda, donec ab ipsis caruncu-
lis cincta, ueluti stigmata quaedam recipiat,
quæ ad medicamenti delendis illis idonei ex-
quisitam appositionem, haud uulgariter con-
ferent.

Extracta demum candela, inspiciendum cur-
riose est, qua in parte sit contusa, & com-
pressa: nam circa eam ipsam partem est obdu-

M E T H O D V S

cendum Philippi emplastrum, facultate admi-
randa præditum: quippe quod partes quidem
sanas tuetur, atq; conseruat integras: eas uerò
quæ unà cū ulcere excrescunt, absumit absq;
insigni dolore. Eius autē descriptio est talis.

Re. Aeruginis, auri pigmenti, chalcitidos
(quam in officinis uitriolum nominant) alu-
minis rochæ, singulorū unc. ij. Perfusa q̄ acer-
rimo aceto, inter duos marmoreos, uel porphy-
rites lapides, ducantur accuratissimè, redac-
taq; in læuorem tenuissimum, exponantur So-
li Caniculari. Exiccatus pollen, rursus aceto
affuso ducendus, ac læuigandus est, Soli q; si-
militer exponendus: id quod octo, aut nouem
dierum curriculo facere nō cessabimus, donec
partium summa tenuitate acquisita, omnem
prorsus acrimoniam atq; mordacitatem amise-
rit. Constat namq; fortium medicamentorū
ex aceto diebus pluribus contritorum, mor-
sum quidem, & acrimoniam, obtundi: uireis
autem, augeri. Quæ ratio obseruatur etiam in
metallicis medicamentis combustis: quis hæc

EX TIRP. CARVN. 26

ex ignis commercio nonnihil mordacitatis re-
tinent: quod elota deponunt: ac proinde ablutis
utendum est, in ijs qui molli carne sunt prædi-
ti, admodum q; ad sentiendum prompti, necnō
cacochymi.

Confecto puluere, accipito argenti spuz-
mæ, quæ & lithargyros appellatur, unc ij.
olei rosacei unc. iiij. quibus per cocturam ad
emplastri corpulenti consistentiam redactis,
illius uncias duas permisceto, conficitoq; me-
dicamen duriusculum, ut candelæ uel plumbo
adhærens, diffluere à propria sede, uel si com-
primatur, non possit.

Huius porro emplastri compositionē cre-
didit Philippus Petro Matorello, Hispa-
no, Viro certè, ut probatæ fidei, sic pharmaz-
copolæ integerrimo: qui postea descriptionem
eius integram nobis ultro communicauit, &
in cuius unius officina, quæ è regione iam pri-
dem obmutescentis Pasquilli est, medicamen
ipsum extat curiosissimè præparatum.

Cæterum quum uariæ sint cōstitutiones

C iiij

M E T H O D U S

atq; temperies corporum, ob idq; unicum medicamen omnibus conuenire non possit: sed molliora quidem, sensibilia q;, mitiorem ipsius emplastri uim postulent: acriorem autē, ea quæ robustiora sunt: ob id utiq; præstat semper in promptu habere duplicem eius compositionem: unam quidem, quæ longè mitissima sit, præhumidisq; ac maximo sensu præditis administretur corporibus: alterā uerò, quæ acerrimā exedendi, colliquandi q;, facultatem sortiatur, qualis robustissimis constitutionibus esse solet ex usu. Quas inuicem temperans, dum postulabit occasio, pro uarietate mixturæ, permultas alias medias inter ipsas conficies. Nam si parem utriusq; portionem contemperaueris, mediam ambarum ad æquilibrium edes compositionem. Quòd si ex altera plus adijcias, tantum à media ad summā illam dispensatio recedet, quāta fuerit supra mediocritatem adiecta portio.

Est igitur potentissimum medicamen, quo nimirum utemur in corporibus ualidioribus

bus, id quod recipit ad præparati pulueris uncias .ij. totidem ex argenti spuma, cum rosaceo in emplastri formam redacta. Ut mitissimū, quod ex hac duplam portionem sortiatur: prædicti uidelicet pulueris uncias binas: atq; ipsius emplastri quaternas. At medium exquisitè inter hæc erit, quod ex binis eiusdem pulueris, ac ternis dicti emplastri, conflatur: quale existit, quod ex ambobus una confusis conficitur.

Quale autē ipsorum intrepidè possimus administrare, indicabit nobis, & habitudo, et sensibilitas ægri. Auspicandum tamen semper est à mitiori, progrediendum q; ad acriora, si ex usu fore uideantur.

Quum itaq; ulceribus in alto latitantibus corpore, non liceat nobis admolari neq; linicina, neq; emmota, perinde ac si in cute consisterent: ob idq; neq; emplastra commodè administrare: eorum sanè emolumentum, et usum, suggerit nobis cerea candela, ut pote in se medicamenta excipiens, ac ueluti manu ducens

METHODVS.

ad partes exulceratas.

Excavanda autem, deradenda'q; modicè, ipsa candela est, circa eam partem quæ receptura est emplastrum: ne id uidelicet extans, eminensq; penetrare ad affectam sedem ob inæqualitatem non possit.

Licebit etiam nobis emplastrum ipsum plumbeæ circumponere ferulæ, si canalis angustior sit, quàm ut illum permeare possit candela.

Sunt qui nequeunt usq; ad uesticam trajicere, prædictum medicamen candelæ mucroni adaptant, sperantes assiduo contactu illius, tumorem præter naturam se breui demolituros. Quum autem reluctanti carunculæ ipsius candelæ cuspis diu hæerere non possit, nihil sanè, aut perexiguum, illi promouere mihi uidentur.

In summa uerò curandum est, ut medicamen exquisitè adhæreat carunculæ. Sic nam'q; fiet, ut quinis uel senis diebus paulatim absumat illam, atq; in humorem quendam

EXTIRP. CARVN. 26

purulentum conuertat.

Cæterum si dum hæc fiunt, aliquis dolor acerrimus, aut insolitus rigor, aut febris, aut deniq; aliquod aliud graue symptoma, ipsum ægrum inuasērit, extrahenda candela est, coluendusq; urinarius meatus lacte caprillo, aut aqua rosacea, cui caphuræ nonnihil permistū sit: tam diu q; supersedendum à chirurgia, donec sedata esse impedimenta illa omnia uideantur.

Carunculam extirpari cognosces, quum ex mordicatione percepta circa exulceratam particulam, tum ex copia effluentis puris, quo etiam, dum extrahitur, apparet tota candela imbuta. Quæ quidem si tanta facilitate inseratur, ut etiam parte crassiori penetrare usq; ad uesicam possit, iam nō extirpari modo, sed prorsus absumptam, & exterminatam esse, est indicium. Quod si præter hæc, lotium liberè, cito, copiosè, ac recto tramite profluat, celeriterq; genitale excernatur semen, nulla relinquitur amplius tibi ambiguitatis occasio.

METHODVS

Discussa, extirpataq; illa, quæ succreuerat, carne, ulcus est abstergendum, per siphonem proluxæ fistulæ iniecto sæpius hoc collyrio quod subditur Re. Centauræ minoris, apij, caudæ equinæ, anà M. S. Hordei contusi, unc. i. coquantur in libris. ij. aquæ purissimæ, donec media pars absumatur. Postea decocto excolato, rhodomelitos, uel mellis centaureæ uncias binas adycito, utitorq;

Cōmendatur etiam unice ad sordida, putrescentiaq; urinary meatus ulcera, collutio ex aqua per sublimationē extracta à cocchleis & fabis uiridibus, cui sit inditum nonnihil mellis rosacei. Si uero tanta sordium colluies adsit, ut uix elui possint, adycere leuem quandam portiunculam unguenti Aegyptiaci erit operæ precium.

Vlceribus iam puris redditis, inducetur cicatrix, huiuscemodi smagmate per siphonē infuso. Re. Aquæ plantaginis, & rosacæ, anà unc. iij. feri lactis caprilli, unc. y. eCrusæ drac. vi. aluminis rochæ, marmoris candidissi

EXTIRP. CARVN. 22

mi, spody, crystallo, singulorum drac .i. S.
caphuræ scrup. i. Arida terantur accuratissimè,
cribro q; excussa tenuissimo, humidis diligenter
misceantur.

Tota etiam uictus ratio, ubi excrecentes
carnes exemptæ ac circumcisæ fuerint, paula-
tim est alteranda, conuertenda q; ad paulo te-
nuiores, atq; magis diureticam; quum ueren-
dum amplius non sit, ne mediocri diureticorū
usu ad uesicam humores cientes, collum illius
obstruamus, ut pote iam abundè expeditum,
adeoq; patentem redditum, ut transmittere
quæuis excrementa, uel crassissima, possit.

His itaq; documentis instructus quiuis
chirurgus, infestantes uesicæ collum caruncu-
las, & discernet, et facile exterminabit, id q;
opitulante Deo, Opt. Max. qui ut patitur in-
numera penè morborum genera quotidie in
humanum genus grassari, ad plectendam,
compescendamq; superbiam insolescentium ho-
munculorum, sic nimirum implorantibus opem
illius, solet semper ferre manus auxiliatrices

FINIS.

AD LECTOREM.

QUIA in Galeni epitome, quam edidimus superioribus diebus, quæq; fortè ad tuas manus peruenit, Candide Lector, pauca quædam sunt, quæ ob editionem tumultuariam recognosci ac dedolari haud potuerunt, animus est impræsentiarum ea restituere Tom. i. pag. ioo. lin. iij legendum est. Quare re pueris citra duodeuigesimum annum prorsus uino interdicit secundo de legibus.

Tom. ij. pag. xxxv. cap. de peponibus leges. Succum autem in corpore gignit pepo uiosum, id' q; potissimum, quum concoctus probe non fuerit. Quo casu, cholera morbo obnoxios consuevit reddere. Quin etiam prius q; corruptus fuerit, ad uomitum quoq; est idoneus: præcipuè si largius sumatur: &c. Quæ omnia non de peponis semine, ut uidentur sensisse interpretes, sed de ipsorum ueluti carne, intelligenda cenfeo.

EXTIRP. CARVN. 24

Tom. 3. pag. 551. cap. de tumore suppu-
rato, legendum est. Porro ubi discutiendi, tu-
morem amissa spes est. Et. c.

Reliqua uerò omnia errata, ad calcem indicis
exposuimus, quatenus restituenda essent.

Vale.



